



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 12. Cardinalis Medicæus Purpura renuntiata, nuptias contrahens.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

§. XII.

Sæc. XVIII.
A. C. 1709.*Cardinalis Medicæus Purpura renun-
tiata nuptias contrahens.*

Jam per integros duos annos haud incertus spargebatur rumor de nuptiis a Francisco Maria Mediceo ineundis; cum enim ambo Fratrum suorum Nepotes Ferdinandus ac Joannes Gasto ex suis uxoribus nullas proles masculas suscepissent, tam familiæ suæ propagandæ, quam Italicæ tranquillitatis conservandæ studio incitatus, Vincentio Manierio Signaturæ Procuratori speciale mandatum dedit, ut ejus nomine Cardinalatus atque Ecclesiastici Præfulis dignitatem abdicaret. Hic ergo re ad Papam delata, die decima nona Junii Patrum Senatuum ingressus, præfati Cardinalis literas ad Papam & S. Collegium datas tradidit, supplicavitque, ut Pontifex abdicationem hanc acceptare dignaretur, qui etiam explorata Purpuratorum sententia resignationem rite factam esse pronuntiavit, his verbis: *Admissimus cessionem Cardinalatus*: quibus dictis Manierius Galerum rubrum super argenteum discum Pontifici obtulit, quo ad Consistorii Aulam, & inde ad Pontificis cubiculum deportato, Medicæus, cum in nullo ex

Sacris

Epist. Clem.
XI. p. 554.
Orat. Con-
sist. ejusd.
pag. 34.

Sæc. XVIII. Sacris imo nequidem ex minoribus, ut
 A. C. 1709. vocant, Ordinibus constitutus esset, in
 primævam Laicorum libertatem resti-
 tutus est: idipsum vero Pontifex eidem
 significavit die vigesima nona Junii hisce
 literis: „Ea est vis ac præstantia Pa-
 „terni nostri amoris erga nobilitatem
 „suam, inclitamque Mediceam Domum,
 „ut quamvis probe intelligeremus, quan-
 „tum decoris, ac ornamentum Sacro huic
 „sanctæ Romanæ Ecclesiæ Cardinalium
 „Collegio, ipsique Apostolicæ Sedi ac-
 „cederet te Confidente in amplissimo
 „hoc Senatu, ubi tamen audivimus,
 „te ad alia capessenda consilia populo-
 „rum votis, ac publicis etiam causis,
 „atque rationibus magnopere urgeri,
 „non gravati sumus precibus tuo nomi-
 „ne nobis oblatis pro obtinenda facul-
 „tate dimittendi Cardinalitiam digni-
 „tatem annuere, & dimissionem ipsam
 „per tuum Procuratorem coram nobis
 „in nupero consistorio nostro secreto
 „rite, ac decenter factam admittere.
 „Charitate autem in te nostra ulterius
 „cæpimus, ac prosequimur, Deum
 „optimum maximum precari, ut spem
 „ac desiderium commune optata ejus-
 „dem tuæ Domus propagatione solari
 „velit: Confisi validum inde præsidium
 „huic Sanctæ Sedi & Ecclesiæ allatum
 „iri. „

Duxit

Duxit postea Mediceus Eleonoram Sæc. XVIII.
 Gonzagam Principem de Guastalla, ex A.C. 1709.
 qua tamen nullam prolem procreave-
 rat, biennio post morte sublatus.

§. XIII.

Catholici in Hibernia acerbe vexati.

Cum jamjam anni prioris die deci- Clef. die
 ma septima Martii Angliæ Regina Cabin.
 omnibus utriusque Regni Prætoribus Octobr.
 injunxisset, ut omni pœnarum severi- pag. 314.
 tate in Catholicos desævirent, ideo præ- Theatr. Eu-
 primis Warthonus Comes Hiberniæ rop. t. 18.
 Pro-Rex omnes Jesuitas & Sacerdotes pag. 247.
 ex toto Regno, indictis pœnis in læsæ
 Majestatis reos decretis ejecit, & in-
 colis religione Catholicis interminata
 bonorum proscriptione injunxit, ut fi-
 dem Jacobo II. legitimo suo Regi præ-
 stitam palam ejurarent; cumque com-
 pertum esset, quod Linsmorensis Ab-
 bas libellum quemdam, etsi in eo nil nisi
 preces pro ejusdem Regis, sui que Filii
 Walliæ Principis incolumitate contine-
 rentur, in Galliis Anno 1700. editum
 divulgasset, hinc Pro - Rex hunc Sa-
 cerdotem præter quingentarum sterlin-
 gicarum multam, condemnavit, ut
 cunctis forensis judicii diebus cum in-
 fami schedula e collo pendula publico
 populi ludibrio exponeretur: Insuper
Hist. Eccles. Tom. LXVIII. D toto